

Areglo di Promoshon di Lesamentu

Ku e areglo di Promoshon di Lesamentu, Letterenfonds ta enkurashá i sostené proyekto riba tereno di promoshon di lesamentu ku, debí na nan karakter òf konsepto inovativo, ta komplementá e programanan eksistente. Un organisashon por apliká pa finansiamentu pa diferente tipo di aktivitat pa grandi i chikí: di klup pa lesamentu te proyekto digital, i di tayer di skirbimentu òf aktuashon kreativo te aktivitat dirigí riba intermediario. Of pa proyekto ku no ta eksistí ainda, pero ku ta importante pa introdusí pa stimulá lesamentu.

Pa ken

Organisashon ku ta produsí i implementá aktivitat di promoshon di lesamentu òf edukashon di literatura.

Pa kiko

Proyekto no-komersial ku ta enfoká riba promoshon di lesamentu den Reino Hulandes.

Kuantu

E aplikante por apliká pa un mínimo di €25.000 i un máximo di €50.000.

Plafòn di supsidio

€ 1.100.000

Pa ken?

- Solamente instansia kultural, organisashon kultural òf entidat hurídiko ku ta aktivo den Reino i ku ta produsí i/òf realisá aktivitat pa promoshon di lesamentu òf edukashon di literatura por apliká pa supsidio.
- Skol, universidat i munisipio **no** por apliká pa supsidio bou di e areglo akí.
- Un organisashon ku ta risibí un supsidio di vários aña di Letterenfonds no por apliká pa supsidio bou di e areglo akí den 2025 i 2026.
- Un aplikante por entregá un máximo di un aplikashon pa kada buèlta di supsidio. A pesar di esei, e por ta enbolbí den otro proyekto sí, pero komo kolaboradó.

Di dos petishon? Si bo a yega di risibí supsidio kaba den e areglo di promoshon di lesamentu, sòru pa bo proyekto anterior ta kompletá na momento ku anunsia e desishonnan. Esei lo ta mas o ménos kuater pa seis luna despues di e fecha límite di entrega.

Bo aktivitat prinsipal ta mas dirigí riba esenario? Bai e areglo [Supsidio pa proyekto di programa literario](#).

Pakiko?

Hende ta lesa ménos i e abilitatnan di lesamentu ta deteriorá. Esaki ta un problema, pasobra lesamentu ta oumentá bo oportunidatnan den sosiedat, e ta yuda bo desaroyá, i e ta stimulá pensamentu crítico. P'esei Letterenfonds ta sostené proyekto pa promoshon di lesamentu, ku e meta pa kontribuí na promoshon di lesamentu na un manera duradero, den konsulta ku e sektor. Nos ta buska spesialmente e proyektonan ku ta komplementá loka tin riba merkado kaba, por ehèmpel, pasobra nan ta usa un konsepto inovativo, ta digitalmente inovativo, ta drenta den asosiashonnan nobo, ta sirbi un region nobo, òf ta yega na un grupo

meta ku ta sup-eksponé.

Un proyekto tin un durashon máksimo di 1 aña.

Kuantu?

Por pidi supsidio di entre €25.000 i €50.000. Por lo ménos 25% di e gastunan total di e proyekto mester ta finansiá ku rekurso propio òf pa otro medio ku no ta e supsidio di Letterenfonds.

Eksepshon riba esaki ta:

- Pa organisashon basá den Karibe, òf pa organisashon basá na Hulanda europeo ku ta apliká pa un proyekto ku ta tuma lugá den Karibe ku un partner lokal, e porsentahe akí ta 10%.
- Pa aplikashon entregá pa biblioteka, POI (Provinciale Ondersteuningsinstelling, esta institushon di sosten provinsial) òf instansia di sosten nashonal pa biblioteka, por lo ménos 50% di e gastunan total mester ta finansiá ku propio rekurso òf ku otro medio. Pa biblioteka den Karibe, e porsentahe akí ta 10%.

Deadline

Tin dos buelta di supsidio pa aña:

- 20 di febrüari 2026 (6.59 PM ora di Karibe, 11:59 PM ora di Hulanda): pa proyekto ku ta kore for di yüli 2026
- 26 di yüni 2026 (17.59 ora di Karibe, 23.59 ora di Hulanda): pa proyekto ku ta kore for di desèmber 2026

Kon bo ta apliká?

Semper lesa e areglo i nota di splikashon kuidadosamente promé. Nan ta inkluí e kondishonnan pa apliká pa supsidio, e dokumentonan nesesario, i kon lo evaluá bo aplikashon.

"Kontrolá bon si tur e dokumentonan nesesario ta kompleto i ta kumpli ku e instrukshonnan. E dokumentonan obligatorio ta:"

- **E plan di proyekto**, segun e [Formato plan di proyekto](#).
- Un **presupuesto** balansá i detayá basá riba e [formato básiko di presupuesto](#) òf bo propio formato.
- Un **aklarashon di e presupuesto**. Esaki ta splika kon kada punto di presupuesto ta strukturá.
- Un formulario di registrashon aktual, pues un uittreksel di Kámara di Komèrsio.
- E **kuenta anual aprobá** di mas resien. Organisashon ku un historia hopi kòrtiku i aplikante establese den Karibe ta no ta konta pa esaki.
- Si ta al kaso: **karta di intenshon òf akuerdo di kolaborashon** firmá pa tur dos partido, ku ta kontené e detayenan di e kolaborashon. Tene na cuenta: den kaso di kolaborashon ku skol esaki ta obligatorio sigur.

Bo tin tur e dokumentonan nesesario? Ta ora pa entregá bo aplikashon.

E aplikashon mester ta skirbí na hulandes òf ingles. Aplikante pa proyekto relashoná ku idioma di seña hulandes, por entregá un grabashon di vídeo en bes di un plan di proyekto por eskrito.

Lo atendé solamente aplikashon ku ta kompleto. No ta atendé aplikashon ku ta inkompleto pa e fecha límite.

Bo tin sierto duda? Lesa [e areglo](#).

Evaluashon

Despues di e fecha límite lo revisá e aplikashonnan ku a drenta. Un komishon di konseho lo evaluá e aplikashonnan ku ta kumpli ku e rekesitonan formal. E komishon ta evaluá e aplikashonnan basá riba e siguiente kriterionan:

- Vishon riba promoshon di lesamentu
- Balor agregá di e proyekto riba e oferta eksistente
- Kalidat i faktibilidat di e plan di proyekto
- Kalidat i faktibilidat di e presupuesto

Den e [splikashon di e areglo](#) ta splika mas tokante e kriterionan akí.

Webinar

Bo ke mas informashon tokante e areglo? Of bo tin pregunta spesífiko? Pa yuda bo ku esaki, e fondo ta organisá un webinar tokante e areglo di promoshon di lesamentu.

Fecha: djamars 13 di yanüari, 3.00 PM - 4.00 PM (ora di Hulanda), 10.00 AM - 11.00 AM (ora den área di Karibe hulandes)

Pa mas tardá djaluna 12 di yanüari, manda un e-mail na: **communicatie@letterenfonds.nl** pa bo por registrá, i menshoná ku e pregunta ku bo ke pa atendé.

Pregunta frekuente

Kiko nos ke men ku promoshon di lesamentu?

Proyekto pa promoshon di lesamentu ta stimulá lesamentu di buki i ta yuda engrandesé abilidad di lesa, motivashon pa lesa i plaser di lesa. Bou di esei ta kai:

- proyekto ku ta enkurashá pa lesa buki i teksto riku;
- proyekto dirigí riba lesamentu pa otro skucha;
- proyekto ku ta enkurashá pa aseptá reto nobo di lesamentu, por ehèmpel den forma di otro género òf tema;
- proyekto ku ta stimulá reflekshon literario òf kompreshon literario;

- proyekto dirigí riba literatura oral òf performativo, manera entre otro buki di oudio, spoken word, presentashon di NGT (Nederlandse Gebarentaal idioma di seña hulandes) i teatro;
- proyekto ku ta trese partisipante aktivamente den kontakto ku sierto género òf forma literario, stimulando nan pa nan mes skirbi òf krea algu;
- proyekto dirigí riba intermediario manera maestro, mayor i tutor òf biblio-mediatekario, pa stimulá nan konosementu di i entusiasmo pa lesamentu i promoshon di lesamentu.

Proyekto ku ta dirigí solamente òf pa gran parti riba abilidadat tékniko di lesamentu no ta elegibel.

Kiko ta bon ehèmpel di proyekto pa promoshon di lesamentu?

Algun proyekto ku a realisá den 2024 danki na e areglo piloto pa promoshon di lesamentu ta e teatro pa hende surdu “Utrecht Doventheater”, e festivalnan di lesamentu na Aruba, Sint Maarten i Kòrsou di Stichting Biblionef i Buur & Boek di Stichting NOORDWOORD. [Les mas tokante e mihó práktikanan aki](#). Bo por haña e lista kompleto di supsidio otorgá den 2024 [aki](#).

Kiko nos ke men ku balor agregá?

Nos ta buska proyekto ku ta komplementá e oferta eksistente riba tereno di promoshon di lesamentu. Un komplemento asina por ta den forma di:

- un konsepto inovativo òf un método/forma nobo, por ehèmpel den e esfera digital
- un kolaborashon inovativo
- un grupo meta suprepresentá
- un region suprepresentá

Ki dia mi ta risibí resultado di mi aplikashon?

Den un periodo di 22 siman despues di e deadline nos lo kompartí e resultado ku e aplikantenan. P’esei ta despues di e momento ei numa lo bo por inisiá un proyekto ku bo a entregá un petishon p’e.

Kiko mester tin den e presupuesto?

E presupuesto entregá mester kontené tur gastu i entrada di e proyekto. Ademas, mester tin splikashon di kon kada parti di e presupuesto ta strukturá. Por publiká esaki den un nota di splikashon separá. Mester parti kualke punto grandi di presupuesto den punto mas chikí i, si ta posibel, kompaña esaki ku oferta i faktura ku ta sostené esaki. Pa yuda bo, tin un formato básiko di un presupuesto. Uso di e formato akí ta opshonal.

Pa ki dia mester entregá e responsabilisashon?

Esun ku ta risibí supsidio ta entregá un aplikashon pa aprobashon denter di tres luna despues di finalisashon di e proyekto via e-mail. E aplikashon ta kontené un responsabilisashon di e contenido, si ta nesesario asta ku un deklarashon di e gastunan i entradanan real.